

تاریخ هجری ۱۳۳۱

نومرو ۶

تاریخ رومی ۱۳۲۹



۱۸ رجب

اعتقاد لری

حزیران ۱۰

پازار ایرتسی کونلری نشر اولنور اسبوعی اسلام جریده سیدر .

خطبه ایقاظ

ایها المسلمین!

آرتق اویانلم : اویق-و زمانی کچدی . ازلی دشمنلریمزك ، قوه نصرانیهك تجاوزلری ، ظلملری ، تحقیرلری ، حدیی آجدی . اویویانلری دكل اولمشلری بیله حرکت ، غیرته کتیره جك برشکل خییع آلدی . آرتق نظر انتباهمیزی آچمالیز ، یوقسه بوقدر فلاکتلردن ، بلالردن استقبال اسلام ایچون بر حصه عبرت آله جق درجده صاحب اذعان وادراك دکلریز ؟ .

یا معشر المسلمین :

یتشیر آرتق متنبه و متاثر اولکیز . اطرافکیزی نظر عبرتله کوریکیز . اصحاب کهفک اویقوسی بیله بزم خواب غفلتمز قدر اوزامادی .

واقعا اسلامک دوچار اولدینی هزیمتی ، سفالتی مصیبتی کورمکه متحمل اولمان دیدۀ خونبارک ابدیاً ناظم اولسی ، بلکه بوجیهانه هیچ کله می خبرلی اولوردی ،

آه نه چاره که عالم اسلامک یوماً فیوماً کرفتار اولقده بولندینی مصائب عظمی بی کورمک بز اسلاملر ایچون مقدر ایمش . بولو حقه سفالت قارشیننده عبرتین اولماق ، آتیده تکررندن تحفظه چالیشماق بالکیز حس علوی اسلامیت وانسانیدن دکل بلکه کندیلری تحفظ و توقیه سوق ایدن حس بهیمیتدن بیله بحر و مبتی کوسترمیزی ؟ مسلمانلر :

اویاتیکیز ! عقلکیزی باشکزه آلکیز : درین درین دوشونکیز . نه ایدک ؟ نه اولدق ؟ نه اوله جف ؟ ، ذلت هر طرفیزی قابلا دی ، معیشتک دارلنی موجودیتیزی صاصرصدی . مسکنت هرجهتیمزه سرایت ایتدی . ظلمات نادانی

ایچنده قالدق الله قسم ایدرم که بزی استیلایدن کابوس غفلت و عطا اتدن صیرلماز سق منام غفلتدن دنیاده اویانمز سق محشر مصائبده بیله کوزمیزی آچمالیز . دنیاده آچلمیان کوزک عقبی ده دخی کور قالا جفی طیبیدر .

ای مؤمنین !

فاس دولت اسلامیه می نه اولدی ؟ ایران نه حاله کلدی ؟ طرابلس نروده قالدی ؟ هانی اوکوزلم روم ایلی بلاد اسلامیه می آه اوانازدنین چهرملر بردن بره سولدی ، تمبیس ایتدی .

مسجدلر کلیسایه تحویل ایدلدی ، محفل اذکار اولان منارانه چانلر آسیلدی . بونلری کوروبده اغلاما یا جق کوز کور اولسون ، عبرت آلمه جق قلب یوق اولسون . اویله کوزک ، اویله قلبک عالم اسلامه لزومی یوقدر .

ای اهل ایمان !

بو واقعات و حادثات الیمهک مسبب مسئولی بز . تفسیریمز ایله مجاهده به قوی بولدق ، احتراصاتمه قابیلدق . منافع خصوصیه من ایچون منافع عمومی اسلامیه بی آیاقلر آلتنه آلدق ، نفع خصوصی بی نفع عمومی به فدا ایدمهک . اصل مجاهده نفسیه بوایدی . منازعلره ، مجادله لره ، مناقشه لره ، مشامتله ره قالدیشدق . عالم اسلامک موقع خطرنا کنی هیچ دوشمندهک ، هم کندیمزه یازیق ایتدهک هم زده اسلامیتک استقبالی تحت تهلمک به قوی دق جناب کبریا منازعه ایتیکیز ، ضعیف دوشرسک زده محو اولورسکز بیوریوردی . بز بیوریورولدینک عکسه کیتدهک ، پک چاپوق جزای بی امانی کوردک .

[مابعدی وار]

فاتح درس عاملرندن

حافظ حسین